

欽定四庫全書

子部

普濟方卷二百七十五



南京中医药大学图书馆版权所有

詳校官太醫院吏目臣朱桂

編修臣倉聖脈覆勘

大定四年

普濟方卷四

諸瘡

諸瘡

諸瘡

諸瘡

諸瘡

周王朱橚 撰

忌濕也諸瘡未合或中

須不止是為濕傷肌肉

下瘡可愈

大定四年

普濟方

一

亂髮熏方

治諸瘡水毒或中風反漲腫入腹者殺人

亂髮

鷄糞

大麻子

黑豆

各三兩

青布

一尺蠟以二兩

於火上攤令盡

右以髮散青蠟布上次摻鷄屎麻豆等令勻卷如餅

纏縛之以筒瓦一口仰熯火上安藥復以一瓦覆定

塞一頭令煙出一頭於煙上熏之瘡中即黃水出煙

盡乃止或汗出勿見風熏訖餘蠟滴瘡口內良效

追風散

治水毒入瘡諸腫痛不止

真炭灰

四兩

殯豬膽

一枚

蛤粉

二兩

右羅細灰以紙一幅鋪地上攤灰可兩指厚取豬膽汁傾灰上經宿取濕著者灰烘乾入蛤粉同研勻每用少許摻瘡上如瘡口合者以針挑破摻之水即出

皂子散

治水毒入瘡腫痛或入刺骨者

皂莢子

不蛀者

七枚

右用乾鍋入藥在內瓦蓋鍋口慢火燒烟盡取出研細每用藥先以溫漿水洗瘡口拭乾摻藥次以別膏

藥貼之良久水盡出有刺者即自見

寸金散 治一切瘡或外傷肌肉水作膿焮腫久不瘥

蝦蟇 自死 新磚 等分

右搗末捏作餅子暴乾為細散搽瘡口上即撮出毒

水盡以別藥敷貼

鉛丹散 治破傷水入腫潰不愈

鉛丹 蛤粉 等分

右同炒令變色搽瘡口上水即出

烏梅散 治諸瘡水毒腫痛

烏梅 皂莢子等分

右各燒存性研勻貼瘡上毒汁即出

烏犀膏 治皂莢水及惡水入瘡熱痛不止

皂莢子燒存性 沙糖半兩

右先研皂莢子灰令細續入沙糖和勻如膏貼瘡上

胡粉塗方 治諸瘡中水毒攻腫

胡粉 石灰研羅各三兩

右鍊豬脂調如糊塗瘡上水即出一方用炭白灰

天雄散 治一切水毒入瘡腫及驢涎馬汗

以天雄去皮用瓷瓦刮細末貼瘡口

治瘡水毒及竹簽刺癰疽熱毒等方

以糯米三升入瓷盆內於端午前四十五日以冷水浸之一日兩度換水時輕淘辟去水勿令攪碎浸至端午日取出暴乾生絹袋掛通風處每用旋取少許炒令焦為散冷水調如膏藥隨大小裹定瘡口外以

絹帛包縛候瘡愈解去若金瘡誤入生水瘡口作膿
漸甚者急以藥膏裏定良久其腫處即消更不作腫
直至瘡合若癰疽毒瘡初發纔覺焮腫赤熱急以此
膏貼之一夜便消喉閉及咽喉腫痛腮腮並用藥貼
項下及腫處若竹簽刺入肉者臨卧貼之明日揭看
其刺出在藥上若貼腫毒乾即換之常令濕為妙惟
金瘡及水毒不可換恐傷動瘡口

治凡八九月中刺傷手足因犯惡露腫殺人不可輕視

須用此藥

以生桑枝三枚內煆火中推引令極熱斫斷正以枝頭拄瘡口上熱既盡易之盡三枚則瘡自爛又方仍取薤白擣綿裹着熱灰中使極熱去綿去薤白敷瘡上以布帛急裹之若有腫者便須用薤白最佳小品云并內青鹽良亦可擣作餅子以艾炙之使熱氣入瘡治刺傷中風水方

以黑牛熱尿一服二升三服即止

又方

出千
金方

以蠟一兩熱炙熨敷傷上令水出愈

又方

出千
金方

以魚目燒灰敷之

又方

出千
金方

以熟煮韭搗之良

又方

出千
金方

以刮箭羽下漆塗於患處

治入水手足腫痛方

出儒門
事親書

以生胡麻搗爛敷之

治諸瘡水毒腫方

以生白礬末水調塗之自消

治中寒露水入手瘡痛不可忍方

出肘
後方

以鹽數合著瘡上裏之火災令熱氣透瘡又以蠟入

竹管內挿熱灰中令蠟鎔滴入瘡口立愈若無鹽熏

單用蠟亦可百一選方云吳尚書家婢因浣衣手中

水毒晝夜叫喚用此愈

針頭散

出肘後方

治瘡瘍焮腫木硬

右用蟾酥麝香各一錢研細以兒乳汁調和泥入甕合內盛乾不妨每用以唾津調撥少許於腫處更以藥敷之毒氣自出不能為瘡雖有瘡亦輕也

治瘡腫因中水及中風寒所作其腫入腹則殺人方

出肘

後方

多以桑灰淋汁漬冷復易之取愈當令熱神秘

若已中水及惡露風寒腫痛方

出肘後方

用蒲黃敗青布於小口器中燒以熏之瘡汁出盡則

愈

療瘡中風水神効方

出肘後方

取乾竹三指大節疎者佳每於節間截斷中間勿留節令得長三二尺總六七枚燒一頭令起焰以一頭掩瘡孔上瘡得煙熏又兼火氣壯風水悉出疼痛即止可盡四五枚令水出盡則止鎔蠟灌瘡中帛裹仍

慎風水即瘡若燃竹難着可側瘡低以頭就火中燃之竹短瘡熱痛更換竹頭用之則可神驗

治瘡腫因中水及風寒所作其腫入腹則殺人方

出肘

後方

燒黍穰若牛馬乾屎桑條輩多煙之物作坑中燒之以板掩坎上穿板作小孔即以瘡口當孔熏之令瘡汁出盡乃止又灌熱蠟於瘡中瘡

治生瘡因入湯成毒膿出或赤腫者方

出百一選方

以淡豆豉不拘多少手內碾為膏子捏作餅敷貼之
以片帛裹定膿即止未有頭以米醋調塗

脚面傷手瘡因水入作腫

用耳塞敷之

療瘡中風方

出肘後方

用煎鹽令花出以物取鹽稍瀝去水及熱安瘡上取
瘡良一周時着鹽勿住手鹽厚即撥却瘡上厚薄留
鹽三分更着火灸之勿住

以葑草作湯浸之

治水中爛瘡皮輝方

出本草

用含水藤葉擣敷之

治手足水爛瘡方

出本草

以占斯煎湯洗之

一切惡瘡

附論

內經云諸瘡瘍皆屬心諸濕腫皆屬脾蓋心主血脾主肉也由體虛受於風濕邪毒與氣血相搏故發瘡也甚